

集部

欽定四庫

對山集卷二至

詳校官中書 服 溶


中書臣劉源溥覆勘 校對官編修臣沈清藻 總校官檢討臣何思到 勝録监生日陳 腾碌監生正朱

鎮 燦

17 1.17 D. A. A. A. 欽定四庫全書 對山集 提要 國朝康熙中其里人馬氏始裒其全集刻之江 部 臣 太機所選一為王世懋所選互有去取 功縣志至今修與記者舉以為法別著録 等謹索對山集十卷明康海撰海所撰武 地理類中其詩文集先後凡四刻 對山侯 集部六 别集類五 明 一為

金分四月分書 **懋序稱其五七言古律多率意之作又慕少** 徵歌選妓於文章不復精思詩尤類縱王世 夢陽故失身劉瑾瑾敗坐廢遂欲放浪自恣 陵直攄胸臆或用時人名號爵里韻至便 所藏張太微本又加刊削而刻之海以救李 寧此本乃乾隆辛已其里人編修孫景烈 太微本斌扶燕石間列錯陳故馬氏所增利 不麗於雅朱孟震序述李維楨之言亦稱張 提要 押

シーラー 自具固在李夢陽等割剥秦漢者上也乾隆 司馬遷比之誠為太過然其逸氣往來偷然 四十五年五月茶校上 文過於詩一語為不易之評崔鉄日科旨以 長矣明人論海集者是非不一要以前汝成 詩法之尤力較諸本特為完善已足盡海所 颇傷無葆景烈此本雖晚出而去取謹嚴於 けいま 總養官紀的陸錫熊孫士教



索先生集讀之怪其威名之下所著僅此而時亦有曼 生遗集見付乃稍卒業而歎其鉅麗然其為曼行亡當 集亦不載以為疑己何先生之子鄉進士棒來盡以先 行亡當於情實者馬伯循傳先生首舉其張氏族譜乃 王子曰夫文至弘正問威矣於時關中稱十才子而康 對山集原序 於情實者亦益以東則何也先生當長沙柄文時天 先生德涵為最然獨最偃蹇至削籍以死余至關中首

燕為至其為詩樂府蔚健故是風雅所寄而五七言古 家居久名益重海内馬文者無虚日先生問以緣竹麵 律問多率意之作又慕少陵直據胸臆或用時人名號 糵之服應之而門生子弟亦時有為代筆者以故不無 之聲伎以自耗其砚磊之氣不能作下惟腐毫生活而 漢之風至於今復振則先生力也既已放廢無聊稍記 又靡弱矣關中故多秦聲而先生又以太史公質直之氣 一時學士風移先生卒用此得罪廢而使先春雨

欽定四庫全書

先生之子孫謂廢其家志哉凡二集中鋪叙亡關係者 四彬彬乎足成一家言矣於戲獸畏網羅人惡傷異命 削總之舊集之削者十之二三而遗集之入者十之三 志也者則可留為千載之下重康先生也者則不可留 由我作則或以為不當併削然余謂格也爾其為康氏 必削率直己蘊藉風者必削命意就時離於大雅者 夫使利吻後生執一瑕以廢先生之瑜毋寧使獲罪於 爵里或韻至便押不必魔於雅故此自先生志雄

所表見而放浪形骸之外又為禮法之士所絕獨所 欽定四庫全書 之差亦斯文後死者之責也是編也出即不敢謂盡得 心庶我哉干載人豪思過半矣萬歷九年八月吉旦 先生之心抑或風雅備馬覽者循是以求先生未白之 **無舉經濟潤色之傷業不幸被讒鸐以廢其志事既無** 不詣俗死猶煩人先生少負傷聲為廷對第一人意將 不磨者有斯集在乃又以砥砆溷良壁叢篠穢美箭是 先生之窮且併其文為異趣者揄椰此寧獨康氏子孫 **原序**

			吴郡後學王世愁撰
			455
		,	

THE RESERVE WAS A SECOND

C 27 40...

AND THE RESIDENCE OF THE PARTY OF THE PARTY

			欽定四庫全書
			泵 劃 李 集
			<u>=</u>

心之所向道之弘否所屬一 けいよ 有各道而能集者而道固不可 /而常獲於人主有不敢 有所易則所以修 明 康海 撰

常憂動傷厲而不敢以一毫尚且輕率之意雜於其中 立於其朝漫不相信甚者或斥譴罷去不為之所天下 固甫遷於此或轉於彼雖欲勤勵以求治而張弛子奪 之治將馬所賴而成乎惟有以真知道之不可易其心 身者必不能實用其力而道之在我知之不明守之不 之必精執之必固使用人取善各有定則賢否莫吾 無所據窥伺媒孽之輩共起而来之雖有賢人君子 而君子小人不相尤既得其人而任之以事則政 **龙**:

曹調古今豪傑之士不得所遇雖子思孟軻之流亦 問哉臣有以仰窥聖心之於道固有不自易馬者也臣 文武之業亦不過此而策士之詔乃猶惓惓馬以化之 聖之德撫盈成之運十五年來民安物阜雖堯舜禹湯 其心終有易馬而能以無獎者也洪惟皇帝陛下以至 不弘治之不洽為念陛下豈誠有未達於是而猶待於 君未有不達於是而能致其治者也亦未有徒達於是 不舉而法無不振天下之治宜無有不成者矣古之人 料山具

當禪授之後繼禹之業守之以敬而伯益之用終始無 信任炒扈傅說之屬而又本以嚴恭寅畏恭默思道之 問故道之得於禹者無廢墜不舉者矣中宗萬宗一 嘗敢以為易故其用人行政有非後世之所能及如啓 徒 為之虞陛下夙夜兢兢思弘化理此固宜也然用於已 臣惟天下之深患在於久安極治而機括所不見者莫 不若资於人求諸今莫若法乎古古之君心純乎道未 爾而臣之庸珠乃際遇若此臣敢有所諱而不言哉 e i 切

赵

豈能如詩書所道哉程頭曰聖王以求任輔相為先歐 ころうる とろう 借有成康繼序不忘之思旌别淑慝之意而禮樂之化 陽修曰君之聖者以辨君子與小人蓋政以人而舉 也陛下欲求數君致治之績獨可舎此而他務邪亦惟 既存則政自無偏與不舉之患而治之在天下者可成 之手武王之澤未洽也使非悔悟於周公篤信於君奭 心成商之治夫豈無所據邪殷之頑民雜於管察武庚 不敢易之心而已天下之政孰有出於人主之心者 對山东

多反匹庫全書 宗子之家相相之職所以輔養君德而赞成政化天子 不可言者矣何者以匹夫之賤而上與天子共事其所 不能自己者也盖大君為天地之宗子必有大臣以為 用君子不感於小人誠灼見其必然而憂勤之心有 用人之際又其本原所自之地哉聖制所謂簡賢為 任之於後前辨之不明用之不當則天下之徇反有 之世亦不可無也若其賢與否則必辨之於先而後 日無者豈惟夏商周為然皋變稷契之流雖夫

とくこうき とそう 於恒品之外今上於京師乃或有未然者臣願陛下 閗 所匿於是擇其賢者而用之則輔相得矣臣於今日豈 已故必先有不敢易之心然後修之身者無往不實修 正而學識或不醇則其所壞非如有司之一節一端而 為操縱予奪者無一不為天下之所稟受使心術或不 '身者既實則出乎我者無乎不正而人之邪正自 朝廷用一大臣必極聲動以為語謀親信将必有出 不得為憂哉特恐所以侍之者不至爾臣在草野間 對山县

人之情不過趨利避害去其所惡而求其所喜者而已 或 以為所分且 蹈之夫辭之不力則得之不固受之不 然亦必掩之而不甚露故利之來或遜且谢之害之至 肆其無所忌憚之私以惑吾聴而其情已先覺矣蓋小 所融一政一令必與之深言極論而後布則小人雖欲 恐後也方其有所勉而為之也其卒不可掩者已雖然 之禮下務得其心而使盡其職凡遠散大畧不為羣議 則去之不決及利害至於必不可已則函去與取之

簡縱逸雖所謂儀文之末亦未之有所為樂者残缺廢 禮樂不可以一日無此萬古不易之論然其與也雖專 務自無疑滞不舉之患矣臣請以聖制所及數者言之 免於有感随有即覺隨覺即去如是而已如是則君子 重其實而亦未嘗遂棄其文臣竊見近之所為禮者疎 小人不相尤君子小人不相尤則動無所妨而天下之 其情則宜函去之去之不亟則或為他巧所中而猶未 於甘言悅色之間即此武之小人之情可復通乎既得 1:1: 村りま

篇而和矣禮樂有不與者乎至夫教化之所在其機係 補其残缺廢壞之弊將不俟於進退升降而節鐘鼓羽 **厚遊於學讀書窮理且或莫為之變而欲歐天下之思!** 於人主之心而其應屬之天下之廣萃英俊之士使之 壞雖所謂聲客之細亦未之備蓋不得其本而安於尚 之則人心自無不節之欲而其情自無不和之發凡見 且將就之習固如是也尚學校之教有以振作而興起 之宗廟朝廷鄉黨之際自有以去其疎簡縱逸之習而

ストラー ニニ 信之以賞罰其用也不為之拘而其課之也幽明殿最 後徐以示於天下天下方以前日之後縱相安而一旦 忠厚躬行於上不為聲色土未貨利玩好之所移易而 各為之等故人皆勉於其官而優於其事比者稍有兵 之法則臣於此有所深惜祖宗之於士養之以道義而 二大家巨族頓悟而倡改之則人之樂從者東矣選課 之所聞見乃如此其心亦必悚然以思冷然以省尚 民使悉歸於禮讓和樂之城固已難矣其若先以恭儉 村山生

荒而納栗買官之人已滿吏部之簿矣雖有才徳滞於 多姓匹库全書 某人能吏也有某事以知其能然後因其最否以加賞 課之以實如蘇洵所謂某人庶吏也有某事以知其庶 曾幾人哉又況點陟之施一惟流品是視苟不本於科 有所忌於外哉臣願嚴其依倖與観之禁使冗懦不職 甲之選高官重秩未肯輕予則彼無所暴於中者又安 所用之期用未及而顛毛已號種種能以比節自勵者 一謝去選惟其才而不盡拘流品試之以官而

林大同之役馬死食匱所貴不知幾千萬而無用之兵 空名以耗實費至有水旱機健之變則又加倍以取於 北可晏然以不顧子况今邊境之擾未甚妥帖前日榆 所畜無籍之輩不為國家分寸之益者乃至百千借其 病大抵冗耗過多而司會莫為之省非司會之不省勢 江南之民臣聞土日窟則陷繼之江南之民貧甚則江 不得也自京師言之食之仰於江南處數百萬而權勢 罰天下之人望以其才自見者亦將知所變矣征賦之 月山上

振勵之使之無所沮喪今有一級之勢而大家右族訶 依 俸之徒以耗軍食而又復屯田之實省丁運之苦用 去冗耗無用之費而革權門招集之與息江南之民以 流離移析外患未除而內地已困寧不為可懼形臣欲 不受役於私門而得給其俯仰奮迅矯烈之氣又必常 固無不足者也兵則先於生養安息之間為之深計使 固根本邊境之擾但以付之良將不用統制之屬帶挟 又坐食於邊山陝之民丁運之法無不備舉老幼婦子

皆足以為之而法之輕重則有一定之制既得其情必 去逐矣而不去豈人情哉欲兵之强而二者特不之詳 嚴刑深計鉤取其有彼方有殺去之心而此又逐之使 **譴奪去不敢仰視將何所養以自奮乎況夫新舊逃流** 為之斷使貴賤無異施豪右寡弱無異決則令之所出 臣所以深慮也用刑之際洞照物情而不為所証明者 無親戚往來之接其心之欲去已甚矣衛所之官又以 之兵方以官法逼之復伍釜爨之用俱無可充又其居

易者而其獎猶若此聖制所謂袪其數而採之欲化行 情孰不畏死而不求所以自脱哉此尤陛下之所宜置 政舉如祖宗創業之初比隆前代者豈有他哉亦取諸 人而已孔子曰為政在人啓以下數君不過中才之主 念者也夫數者之務酌之於古而行之於今宜有不可 之徒有所倚仗得以自脫而寡弱之人駢首就死人之 民刑期於必戮賞期於必得不待命而後知者也豪右 即無不役天下之好當必隨禁而華蓋天下皆天子之

銀定匹庫全書

於修身以端取人之則然所以修身者又非勉强矯拂 萬萬者哉然臣於此竊有說馬蓋政雖舉於有人而身 語默一事一為之際常加儆畏內省於中果當於理而 之私而用所不當用舎所不當舎者有矣臣願陛下急 則所以取人之本故孔子又曰取人以身欲得人而不 先修乎身是其心之所存輕忽率易不能不累於愛憎)所能致必自君臣父子夫婦昆弟之間以至於動静 得其人且足以為治而況陛下神聖天縱出於尋常

· 哉然臣又聞治不患於始之不得而難於終之有繼伏 惟陛下常存不敢易之心以守此不可易之道則國家 發必精治功之隆必能追配祖宗卓越古昔而有詩書 之所不及載者矣彼漢唐宋區區小補之治又惡足論 天下之幸非獨臣之幸也臣無任機機忠愛之至臣謹 私欲淨盡則身無有不修而道無有不盡酬酢斟酌自 不謬於天下之是非尚用乎人其用必當的發於政其 不悖乎果非其當然之則而狃於外誘乎使天理純明 T

對 李西涯曰條陳禮樂之與廢發明教化之盛衰以及 能舉而行之不止一世雖百世行之可也其論君子 選課之有方征輸之有法馭兵之有制用刑之有條 主以氣為輔出於身心措諸事業加諸百姓有益於 張太微曰余遇滸西對山嘗與余論文曰文以理為 (國乃為可贵也今觀兹策切於事務曲盡情理尚 一中敖末路歸本君身尤見忠愛卓識

留王協袁紹因勸進悉誅宦官進白太后不聽紹又謀 台四方猛將使並引兵向京師以脅太后進然之曹操 靈帝崩太子即位宦官蹇碩等敬誅大將軍進而立陳 論 至要其論財賦兵政二者之弊與救弊之策皆鑿鑿 可行熟謂對山文士而不開於政理哉 史論

多好匹庫全書

7

小人尤人之所不能言而不用統制之說尤為安邊

·義俱不得者春秋之時諸侯皆城成周而宋仲幾獨不 一的義有所屈而事或安馬君子寧拙事而信義況事與 シャンフル ノエー 受功晉人執之於京師此以王事討有罪也而春秋以 何言也凡欲除天下之大害必先有以度天下之大義 不能識其意而妄為之詞爾曰者盡謀之事必宣露此 敗也康先生曰操之言是也此漢之所以亡也獨史臣 聞而笑曰此一獄吏事也何至紛紛召外兵乎吾見其 刑內執人之事大司惡之職晉人不告諸司冠而擅 計り集

|時既不能修明漢家之法亟收其權杜篡賊之路又不 官之毒漢自恭顯以來若是其遠也蹇碩趙忠張讓之 教人於天子之側則履霜之漸篡哉之前也故特書而 多好四样全世 徒欲廢帝而立協逐太后而該進者是其固也進於是 盖元完首罪必該而不赦矣而况其事又未為安也官 之兵使之挾持京師以謀其東當是時漢之危猶一統 也乃又以諸將無嚴之兵絕而墜之耶此於春秋之法 深罪之若彼嚴也何進不勝官官之亂乃大名外諸將 W.

倍萬於官官也使進而在又將誰台以除之耶夫外諸 董卓入關之後燔熾宮室篡廢天子蕩析民庶其孽禍 將之兵猶虎豹犀象不可入人之室也有丈夫者憂其 内故不勞而春中死馬此碩順當讓之徒所以勝進也 將之兵乎季園之謀春申君也先伏死士以待棘門 能聲的名義屬之司隸以該其尤顧乃區區以詢袁紹 家之為祟禍也收虎豹之屬入於室而猒之至則盡啖 謀及再白太后不從而計絕矣乃猶優游以待外諸 村山泉

於卓之無所思憚又甚於虎豹犀象者而使之操兵以 也田氏之於齊其欲奪而有之豈一朝一夕也晏子方 消其志意則在我者可不勞而定而在彼者不刑而革 夷其社稷者兵人主之幼也為之師傳教導以增發其 天下之事尚使恃義而傷教者為之則未有不該其君 其家人此於崇何不除顧奚必虎豹犀象而后能也況 入室乎易曰開國承家小人勿用言必悖義而傷教也 明不幸而有孽人窥阅於側亦必有以從容捍蔽潛


諺有曰莫視其與先視其变以善武之賢猶爾也彼進 之屬則悻悻然怒而作矣姜氏之廟由是不祀馬彼高 者何足以其知其爱而視之乎 之亡也其以是基之乎乃其事未處也而進遽效之古 國者以啓之也子讀漢書至竇武陳著之死曰嗟乎漢 子之顯名顧不足以致而減也其理當如是也至萬國 且安於和悅裁之以禮使勿自甚其所為當是時以晏 · > > !! ::: 友論 月りは

次也友之道盖如是乎我徒以順而莫我逆者曰此 狎 金匠匠庫全書 之善友也我將無感馬凡所以陷吾使吾日就於牛馬 所友而不擇也友其所友而不擇則終日與俱非淫褻 有友友也者友其德以資乎我者也孔子曰無友不如 夫所謂友者起而內我以道者也古之人雖自聖神必 已者又曰以文會友以友輔仁今之人非無友也友其 止也如是則盡愈於無友者也道不知加馬曰吾有 媚有那入也非財利物貨有弗親也非憂患死喪有 吾

者安吾情而易入者也其正者皆拂吾情也人孰知夫 我朝夕所與者皆自誇侈者也彼烏能友我也是則所 逆順之際可以利害於我而為之區也故曰憧憧往來 以使我日就於聖賢君子之城而莫之知也何也其邪 以道而責我我惟日景景馬亡獲於心曰彼豈所以識 禽獸而莫之知者皆彼所以莫我逆也其日惟反反馬 那則絕而勿從凡正言終日而內我以道者皆正也 從爾思貴自審而已矣審乎其正則從乎其正審乎 料りま

多近四庫全書 弗言也非先王之行有弗行也其五人擊筑呼嘯非鄭 **也使與十人居之有五人馬正襟危坐非先王之道有** 而由所弗改則所以為我者可知也故寂寂之語附 以順逆於我者可知也由是則吾終日唯唯馬惟所語 於道者皆吾從而已矣由是則君子小人可以區而所 則凡志於道者皆吾從而巳矣吾弗志於道則凡弗志 凡徒然與好終日而不內我以道者皆邪也吾志於道 論皆淫褻狎媚可勿近也夫德者難成而惡者易放 表 耳

馬日與后五人者居之未有能悟者矣故吾為甚懼馬 榆次金可鄉因與余論友余以是言之且將以自求也 乎我非甚明者則前五人者我有弗屑也使五人成亡 衛之音有弗為也非桑中洧上之事有弗說也則孰從



此情如何明日逢徳光道及雅愛云云此誠斯文骨肉 數年不都光範偶辱過問即甚慰甚慰然又後爾而 欽定四庫全書 之至他人誰肯然者感灼累日然竊有所未安者因 書 對山集卷:) ! 與彭濟物 明 康海 别

箕踞林麓此其性晋之已成激之不返雖三公之贵刀| 意随復自笑自詈以為狂奴猶爾不量即又飲酒散髮 方多事以來聞其驗傲無狀如彼即或奮然有攘臂之 為伍人間百事一切置之此不但信於鄉人妻子奴僕 旦得此中心之快實有人所不知而已獨知之者自東 也盖素性疎懶偶因官秩羈絏數年者拾豚臂鷹而 庚午蒙韶之後即放蕩形志雖飲酒不多而日與酩酊 知我厚故不避訶责輒布上左右惟公察之聴之僕自 基章 二百 1

多定匹庫全書

ラスラミ ニー 益喜益負以為鄙志當完於此一時交與之士反覆輕 真有使僕含垢於有罪者之籍與不肖之人同被驅放 幾踵奇禍幸免殺身而歸而二三者又補砌所無以為 易不檢惟僕言是是故謾論護說暑無忌畏日就月將 放易言暑不修飾至皇帝嗣位之後又見其英毅果斷 度即自私擬以為暴變稷契之業可以復見於今而狂 **謾無狀性好是古而非今始仕時望見先皇帝寬仁大** 鋸之辱不可奪也況數石之栗半幅之紙乎僕自幼支 到山泉

如也今僕之所憂者在忽有大馬之疾死丘壑之下不 邕之操而迹風宗元於九錫之間仁人志士宜於此何 冒污而成致美節如此也又偶讀柳宗元傅曰即宗元 得伸其宿心原惊耳而區區官秩之事非所念愿也瑾 有不同於叔文然親與之交而受其職任矣夫身有規 之事與蔡邕卻九錫之書明然嘆曰彼何獨不得含垢 之穢塗情苦心局不復自愛服日偶讀皇甫規避孫冀 上辱两朝作養之恩下累先人蠲介之業生平微志付

多元四年全書

トラうし ニア 論列之際出於一時倉卒未服差别而今則又數年矣 聰曹元與云云之問邪故鄙人之心至此益放盖已披 賢者然豈少於商之一夫哉大臣者乃忍使之雜於孫 夫伊尹之輔商也一夫之不獲則曰時予之辜僕即 且甚矣當朝大臣盖皆耳聞目見而熟知其然方臺諫 之使饕號燉臉之人卒不敢加於我此其心與事亦雄 瑾者不能得一級而彼自區區於我我固能談笑而卻 之用事也蓋嘗數以崇秋誘我矣當是時持數千金壽 對山床

官職者有二性喜嫉惡而不能加詳聞人之惡輒大馬 者豈細哉今僕之不可於當世者有五而甚不宜出就 徒也公之高義曰古人内舉不避親時之可舉不可舉 多兵匹库全書 北面事君而勤渠閣老門下者以為賢能僕賴放畏出 不已今諸公者皆喜明遜而陰譏此一不可翰林雖皆 髮庸歌至於終身而不敢悔此非甘心為長沮無溺之 臣者以其所為主於此使識者苟為之言則所係於公 非僕所知也而僕之不才汚穢亦非公應舉之人觀近

僕又絕之此五不可執徳不宏不能信之於人雖煩自 直而僕喜面許人未有不怒者此三不可士大夫不務 多件其所好彼或未從即拒而絕之以此親疎多怨尚 修身砥行之大而但呻吟詩文以為萬業見其詩若文 復見其所愛者又不忍不告或又告之彼即又不從而 加之此四不可與相好者接必因其職事加勉戒之詞 不能不怒故見輒有言而彼方望我以為美也我以言 **歳不能一造其戶此二不可人皆好修飾文詐偽恭假**

一 安定四庫全書 ·慕世俗科舉狗外構此兇愚令又不假而殺仕乎此甚 好而當世該論之士多加該該自入有罪者之籍污穢 僕出以為先客之地而當時宰執又率崇私愛而乏分 大惡極羞談於婦人女子之口尚十之九彼莫不覬幸 終身莫能自潔使平日所立之志局閉淪落智萬萬物 别尚欲引其私人必援僕為喻是所以用僕者非必實 之上而名陷九淵之下於中夜竊自嘆悔不當輕易效 不宜出者一一時同熙之人固有不幸而被汚者然罪

被謂己盖所謂喀爾而與乞人不屑者也此甚不宜出 而僕未嘗一日不以賢君子自謂已如此自謂而人以 為不肖者之資矣語有曰君子非其名不往以不賢人 然言出乎口通乎心明有日月幽有鬼神此區區平素 者二明公之意特出於一時愛念之篇偶未詳究及此 之招招賢人如之何其可往哉今聚人雖以不肖謂僕 知其為人而真明其有誣也如此則是以賢者之身而 相可一鑒而盡者公如覺之必信其為肝膈之實版 封山县

一致定 下庫 全書 生至願況又與吾兄同之抵家後百事狼狽荆妻爽氣 數日之别已勝數年矣該公同此情也華山之遊此平 發作幾於不起小女出嫁伊遜未免匍匐耳富有富者 惘然春和伏惟保順幸甚 又不能迎候敝邑此甚負公也諒公有以恕之乎臨紙 然憐我體我矣會公甚難既會又復匆忽不得請益而 之事貧有貧者之禮父息之情誰能不爾坐此二者使 與王子衡

とんうら しょう **隊投爨附會可致耶兄與我有骨肉之分當憫惜至此** 我為何人耶大丈夫出處自有禮義豈私好私與者尋 將致我幕下昨已為數言絕之頗涉峻厲於乎彼殆以 在省時會近山尚書濟物總制俱道雅意隆篤細得近 丘壑之下凡有志天下國家者豈所忍居茍有所不可 山言深服公所以處我者有禮也近濟物以他人之謀 不肖倉卒言兄長之前顧不得羽翼而東耳奈何奈何 亦寧死守而不易耳平生碌碌別無他事維此點檢 對山族

宜論耶昨見自彼來者云彼已深含於我此不知僕正 之意方在杯酒間僕變色大馬聲徹四隣僕豈彼之所 最熟而又失之死無面目見先人於地下也蓋此又是 先附此意不恭之罪吾兄想深有以亮之稨序數日後 欲其含也即此可以再見不肖之心矣張吏來甚急因 之則不可也去秋有一客相過極言彼所以奉拳於僕 言也厚齊之意雖善然非實知我者固己感之矣然棄 番波浪比之往日應舉不同如之何可以輕且易而

金匠四母全世

「・・・)」 ここ 有之而超然在人耳目者亦不能免此可長太息而繼 以私怒左道之言即又如此賢哲之黨盡矣公固不肯 當托人附上不敢負吾兄也臨紙耿耿無己 言者所遏此固世道使然然皆以黯昧難晓者或偶爾 天下之事能以他美傳不朽者今不過數人耳然皆為 以痛哭也公清聲大才雅量恢節孰與古人多讓彼 此輕重言者國是所關治亂所繫小人坐事清譽而 與朱升之 月山具

與坐論數夜使細小輩見吾儕胸次也君孝親立身行 ኔ 多近四年全書 乃前此命為劉瑾黨士修學之志雖古人所至尚安有 廣至有以敗壞風俗言者於乎獻吉豈斯人哉此可以 君子蒙被污辱欲天下亡事安可得哉李獻吉被論尤 知 死不以易如此兩卷俱封上她不足稱副委命書籍 擇何至黨瑾者尚可以甘心快意固不暇計此也 公矣僕雖宿寡行檢然視鄉黨自好者亦少有優 尚移何處即或以别事在關中亦好當請公西來 卷 とこうこ 躬指拜賀今兵事日繁賦的日急各處經畫糧儲之 甚悩臨紙又復匆不盡其欲言伏惟亮察幸甚 來求静處與公别也使來數日為賓客所冗不得具裁 執事此行宗社之慶生民之福也不肖萬萬死罪無面 日然須待命至乃始動否倘行急可示知之僕即星夜 托劉令尹數日後即可馳上公即有外移其行當在何 不堪職動為迂濶難集之計百姓百倍陪貴不支 上邃卷先生 1111 月山に

者惟此二事耳不肖雖在罷廢然世受國恩不敢忘此 為尋常今之求治者率弟子行當亟須丈人也詳此盗 憂也初冬微寒伏惟保艾以魁天下之望不宣 首級盡山居平民非真賊也凡執事所以報孝宗皇帝 能老獎我師者中固有人耳往時四川湖廣陜西所上 行之需倘兵勢更盛又當何以山南湖廣之盗不可視 辱教知近事如此數日身心不能自寧況有官者與受 與張用船

違背盍若令之潛沈諷詠自求於經訓之間既通實融 最學者與即其聞抄寫文字似於下學上達之旨稍相 絕滅之修者不可謂無所繫也近聞丘將軍與戰南陽 彩有餘力顧委任何若耳廣郡數蒙其至無他郡艾夷 獲俘甚多若爾亦新來一快事但其啓行時言語甚易 方國之重者哉然以執事之才當此劇難狼狽之際要 無懼事慎敵之心恐非名將家法也賢郎文雅勤事此 然後操紙命幹自必有過人者而異俟此敗故駁雜 村り人

普以死戰彼雖號有數萬然中多婦人齊氓精兵要千 金定匹庫全書 言耳春和惟萬萬保重 悍然無懼以作其民邯鄲數得無恙其係追細小哉願 遠邇此吾所甚慕也頃聞盜賊薄公城邑凡幾矣公能 於公雖勘素交然公為鄉里豪傑之士居官之聲動燭 公益加嚴慎肅練士民倡率豪傑攻城約以死守城危 之語哉公家世有大方諒不須吾言吾自不能不為之 與張邯鄲書

人耳既擁東抗軍不能留蓄寄民而所過殘滅井白釜 鲢 不戰亦死甚晚然也然不戰固死使力戰安知其不生 **抵其少當眠其趾夫民既以現彼之所為矣今戰亦死** 作其武幸聞公大抵甚慰矣況又有近功邪鄙諺曰莫 邢 公邑人來不辭惘然敢告以此今之名將未有類公者 此可以語邯鄲之民使之自固其志矣愛公甚深見 郡返過邯鄲見其人率勇敢有氣吾恨不能丞尉 罔有子遺必無恒飽之理此應敗之道也昔吾惟警 日いり

我定匹庫全書 傳婦言其志必不肯回因諷之省厥父母冀至膝下或 不可生賴覺之頗早得以投救至于今日每間妻女所 亡兒志文至函與登石間兒婦楊氏食砒霜不踰時遂 死此十一月七日已亥事也痛徹心骨殆何忍言念惟 也春和惟為民自重萬萬 一婦自五月念二栗死即堅志死節荆妻及諸女輩日 防衛已極鎮密乃于其月念九潛服毒鼠樂數七幾 與王敬夫

- F 7 1.1 F 將無事荆妻者獨不以為然令嚴為環守是旦桩洗 吾怕也畧不一言往志衆以為既見父母果懷眷戀後 翌日與諸防衛者相處極數有一出者必止之曰汝出 婦志大不易行必有變奈何予曰汝但多方防衛可 曰吾謂夫已葬不知猶未也荆妻私意其語謂予曰新 不得已今其兄宋與其嫂舎姪女送之來仍以有心婦 以爱奪乃悔恨彌切日夜號泣欲西南麓公與許夫人 人常用伴侍婦至栗極哭畢入內見判妻殊有喜戶 けいも

我今已盡服人言砒霜用醋下者百樂不能解恐舅姑 箸禳之又索醋湯令極煖來連飲三椀許曰稍可矣荆 随飲吞盡少間砒毒內作與侍兒登厕歸漸不能支 妻入見其色鶩扣所以因切疑之搜其袖有遺砒始 **敢小女及妾楊氏曰吾適登厠見崇身煩不佳幸與鄉** 假言宿飯作渴索醋湯即內飲不知潛帶碎砒二三两 地 毒亞呼家東尋醫治之婦徐曰妾此來欲以死從夫 下前所襲物實砒霜數兩假言為金珠使站不疑 知

多定匹庫全書

巻ま

かんとりしたとう 與飲此吾不食砒霜矣今吾以死為樂以生為苦也奈 揮去堅閉其口楔以鐵著且曲矣齒堅合不啓也曰吾 樂子之閉口不納逼之太急則咬梳立破每樂來則 以為曩者栗初死時情激心裂痛莫可制其死或易至 死之用者無有不備與不精也者畢氣絕子痛哭幾死 何以苦事逼我其嫂啓篋出衣皆婦近日所製以為臨 可與吾嫂來治吾後事滿門驚痛呼其兄嫂至因以解 及吾兄以樂解吾毒則大壞吾志是以連飲醋湯數椀 對山集 軱

将稱其三月不進仁而新婦少年女子耳乃其志久而 古之達人志士不足與之先也顏子為孔門高弟夫子 金厂山屋石雪電 豈非聞之于耳即感之于心而不忘耶夫人食利藥少 愈恒彼监管從事于學問若士大夫尊尊亹亹者也其 天資之高父母之教要有不可誣者矣荆妻言新婦數 之意顧不能一移其初志而不迫不怒從容就死如此 於歸謝其父母又三月餘矣父母劬勞之恩眷屬縫緣 向予言古今賢女故事云得之其父兄講說今日之死

壽予與荆妻孰知其與舅站為永訣也因語楊生楊生 亡兒各兩年雖媼嫗不熟其面也記曰內言不出外言 卒豈鬼神陰以相之使其毒不内抗正色以斃也栗為 良妻若是天信有徵也哉此婦與令愛德性甚相若適 還者故行年二十有二曾無一毫非禮之動乃天界以 許必疾痛萬狀新婦服此甚多比死顏親安舒畧無倉 不入栗之兩婦其庶幾乎非新婦自靈寶至出鞋二雙 人頗斬匪僻不正之行當曰姦污殘賊天道未有弗與

えんとりにという

對山县

金河四月至十 尊照萬萬十一月九日海再拜 隨書附上惟執事念之憫之臨楮汝然情不盡布而惟 以示不朽昔栗欲以一棒通葬三極則栗之志亦可以 今若此哉所謂與之永訣耳於乎痛哉兹乞執事與新 無憾于九泉之下矣兒女之事累兄甚多敢以楊生狀 云妹來時以二物曽壽家名與家母殊不知殿意所在 别撰一 與唐漁石 一志備其美徳俾將大石通刻三誌納之于曠

幾誠在是矣其遠且疎者或無以表見于衡鑑之下使 太璞不登私竊忿馬每有所見擬議欲問輒復中止思 惟執事之爱即何可嫌昨在省見山東進士李開先者 俊莫不鼓掌相慶以為將有拔茅連茹之漸而太平之 尚何忍言伏惟執事推賢愛才之心休休無己方內英 滯月餘某事所司明知宽告皆引嫌弗究君相極力明 刑于上而天下依違之習自若含垢冒污僕分所宜耳 久違光範不勝懷仰之私春中以探親之行赴省城留) 村りま

草草用貢台聞天下之善士如開先者又不知有幾人 銀定匹庫全書 末學如開先尚得大人君子作興砥礪於上将來所就 **輩希觀心殊重之瀕行因與太微蒙溪泊韓馬河濱諸** 資性英發識見超遠文藝精典哲匠所難治體通達後 自僕觀之可謂國士之無雙也惟執事默求其為人之 惟執事備訪力求使勿淪于常流則今日得人之盛蓋 有凌跨古告炳耀簡策者矣孰謂非執事之功也後生 公送之東郭之外至今不下鄙懷者凡三月餘矣值便 卷】

中書付仲默博士付昌敦殊可惜也早夏苦熟伏惟保 トトラート 者未當少加之意故云云耳每遇士大夫率肆言毋諱 爱以慰斯世之望不宣 遊諸公或以書責我宜改易往轍得書後大笑索酒曰 裹者任宦時竊見世事搶攘以為非甚難辨也特執事 實而加之意實斯文至幸聞彼欲求國子學職是又以 不知觸人遘怒已厚乃竟以罷官至罔為姦人之黨交 答王汝言書 野山県

我罪盖如是然我何能改也夫予不能行事於世以該 盡持執事者之手令事之不較哉四海之逐兆民之象 是猶可委而弗究邪天下之事雖貴執者所共壞然豈 較然明也執事者不以為意而緊與之則反手倒持惡 其姦乃并不得肆論其短長哉夫善與惡是與非其數 盛必無終日委而不為而謂非我所得專謬矣請以廖 事為貴執所制者要不可以十一辟之惡風疾雷雖至 民與善理盤風俗豪詐偽起于截父臣弑君母不亟為

銀定匹庫全書

71

赵

鐘喻之囊在河南日曾屢進人誅求郡邑矣其重求不 易約束流滞彼豈曰治此則妨吾索可置勿理也不才 者也劉養和以犯廖去矣燕憲清帖耳奉廖何乃亦去 以正理易治即是數者悉可以裕窮民稱良治矣士大 過千金郡邑科斂千金只一項耳其錢穀轉移詞訟難 何如何既當手矣而又委以執力此非真有為民之念 夫平居動以古人自期謂事直未當手者云云我當如 之吏各欲自肥私享則是數者釣致無不至使反此心 りいよ

欽定區庫全書 設刑法之禁而身制於齊民不可左右朝廷所以建官 如羣虎負偶而良善者卻足自廢有天日之明官長之 其惡逆而隱忍含糊善不加恤惡不加警使無狀之民 難也今上無贵勢之挠下無執友之托臨事治民心知 年 昨常守德來繼燕又視養和為烈矣彼廖氏者受侮半 相侔也而士大夫乃猶舍正路而弗由豈不大可哀耶 矣二君同以廖去其髙與下美與惡異啻天淵氷炭不 何不更用前計以酧守徳而甘心若是其道固有所 表! 未至而不賢者將又因以轉而不善矣此予所以瞋目 其不利今已然至此乃猶不見其賢者固以為時有所 盈满仕局而莫知所憋侮法之民桀踞郷里而莫知所 誤冒法則錙計毫數洗垢索癥持此而欲天下治平胡 畏此當塗君子之深爱也非過貴邑見事執百爾狼狽 於執事之臣也大姦巨惡犯禁蠹理恬不為怪小民星 分職之意安在平日鄉黨為善者率云其為某事當言 可得也吏長姦民侮法二者國之大獎也今長姦之吏 財山東 ŧ

為一 僕向為當道言之不知卒聽否也安得公在蜀時風致 嘆守令所繫之重如此使郡吏一切如贵府縣吏一切 守皆碌碌不足為汝承雖美才盛年又姑息寡力大抵 兇省察使之在官數年不知又當何以而此時列郡太 如贵縣長此安極今日偶見散縣一事為上吏發至劉 以深恐懼乃續聞公言云云及叩之在塗又有過者乃 令以病不得理其丞但惴惴奉承唯渠光所恣意耳然 洗耶昨僕謂弟姓輩曰汝言言有内艱報尚能戮

多片匹库全書

去歲自今夏南海霍涓先既以贱名厠諸章疏春首又 為繼娶楊叔安之季女此後兒女事俱了更無掛心者 時運使然非人力所能也 栗所娶渼陂之女丙戌秋生一子矣乃子母並死今春 無幾忽得手教如飛墜自天放慰萬萬殆何以言小兒 别便如數十年人生如此何以堪也海内故人屈指 書見諭鄙人心事搜括暑盡其相知之真雖此此 答蔡承之石岡書

書答之矣并其稿以上丈夫生世固當以拯溺叛焚為 老涓先之志又有何面顏見廟堂諸君子耶隨亦具 之交亦不過此顧仕官之志自庚午秋根株悉拔他人 亦 心而僕則切恨世之士大夫賤恬退尊勢利往往反為 耳前處還庵翁亦以此為言僕力拒之今殊成怨也然 不知石岡則知也幸九重聖明灼 何恤馬新刊四種碧山乃漢败之作其三皆出鄙 所薄鄙志如此正欲銷忘宿志以明士大夫之節 知不肖未便施行 Ep

·荒忘如此可似雲霄中人耶心事萬干不得一一展布 變造逆事出偶爾其齊從之人初不過三五十輩爾逆 以不幸如此及見行到文移乃知足下盡心由處如此 海白總戎曹公足下昨聞寧夏之變甚悲鎮巡諸公何 伏惟保爱以慰知交之望幸甚 此宗社之福也又闡躬至各部慰勞三軍此尤至計他 人未易及也昴錦諸賊本無知小人不勝一旦之忿搆 與鎮西將軍曹公書

莫若遣人指仇鐵謀內應仇鐵者鉅官大將非甘心引 之懼內乖效順之心所謂為賊堅眾非計之得者也今 將士豈皆明理識事之人萬一信其必然則外增必死 所處使昂錦以此扇感其聚謂朝廷必用誅珍為心彼 尚神而謀道宜隱也造舟之所去寧夏近而易見光無 事既成聲勢逐重諸餘將吏皆亦執係父母妻子叔迫 錦者也其標繁母妻之恨即未能吃肉臨髓盡鬱諸賊 而然近聞傳令造舟以待北伐此固憂國至意夫兵事

致定匹庫全書

喻也夫罪錦以一日殺五大官甚能也而不能以旬日 これうまによう **昴錦者几上內耳鄙諺曰以米煮粥以水植稻蓋此之** 緣以喻東喻東則士卒之心無有不齊士卒之心齊則 通,鐵鐵通然後張兵揚威遇其縣銳則鐵得有所資耳 數城之首可指日得矣況鉞又翹首望通也故其若先 南下此非積算獎數者固畏公威德也昨公至各部勞 軍其股肱已悉剪矣夫既剪股肱矣猶可為全乎雖五 7 對山保

以價耳今誠以語鉞鉞必有所計度於彼彼少信鉞計

墓誌之寄當時匆忽不盡所言故如不問也老伯母之 别伯循甚久不能得問伯循也頃因客欲過三原托謝 **岩何母君岩何宜思其大者可也天生伯循欲以繼明** 然有老伯父及母君在也伯循一有過哀傷性老伯父 近凡為人子者皆可以哀痛推裂況伯循履道純孝者 尺之童亦知其無以為也此大事至計不可不念者惟 公察之圖之 與馬伯循書

多近四母全書

じんき りき こそう 孽伯循深被其侮夫無故之侮孟子所謂妄人者也僕 處之勝負之際市井之所向也烏有士大夫而俛與市 别有以圖之也六郎行暴貴邑若虓虎亡攖也即不站 意伯循必不與之較耳然兄弟骨內至親誰能嘿然宜 循不但僕與伯循私厚也近聞其氏六即與令兄弟作 以忍之彼或至於犯其更尊者之衣履伯循又將何以 二帝三王周公孔子之道凡海内學者莫不以是望伯 相較者况伯循之力萬萬不能勝耶彼所養而籍者 對山集

適中其殺關之意而已鄙諺有曰樹大有風人賢有誇 悉也 挾有貴父之勢如之何以制之今莫若善酶令弟使毋 惟萬萬以理自遣為是小書二冊附上啓覽乞恕所不 何為知伯循之事而不以告也千里之言不知果然 夫與伯循骨肉生死者仲木及僕二人耳僕不知仲木 知貴邑所謂士大夫者無有啓彼興難以危伯循 b 否

多方四月至言

盡市井無賴也彼賞以錙錄之利皆可與難於我彼又

こうごう こんう 然也近又得孝思所寄書益感念顧隆篤僕烏足以承 立於朝備倉卒之用今漢中蜀姓之盜方熾未艾而來 知有起復之命私心甚慰蓋時事若此安可無賢人以 天子仁聖耳去歲得手教感慰干萬非吾兄他人誰肯 久違懷仰何已不才宜受重辜乃冒輕典直先生陰庇 服日可以採薪縣樂此其切冒追細哉冬初見遞報 山田敷敢破屋敷椽差可度日幸狗馬之疾盡無又 與何粹夫書 野山集 Ē

僕來持奉教礼魚及邵帖之富感激至意何限斯文骨 糧餉之人又務為苟且迂潤之計百姓百倍陪貴不支 治者率之統御張死之道輕聚國威厚助賊氣其經畫 言惟保重保重 東山也友人楊吳二君來值有手足之寫不能盡所欲 行之需贼勢更盛當復云何為吾兄者固不可堅卧 乃雖古人未之前有也不肖固執愚行雖萬萬死生 答沈崇實

多定匹庫全書

にくこうし ことう 朱季之作亦不可自明於千世之下此固志士之深悲 修先王之道以終乎身而顧冒被污穢如此何以為人 修之於平昔而礪之於今日得志馬將以加諸天下否 不可搖動所以不能無憾於中者誠以斯名之難居 也人常言志士不忘在溝壑勇士不忘喪其元然固不 也士之所哀莫甚於名喪節靡而身死不與也今不肖 已喪名靡節矣即使長生 百年有顏回曾子之行程伯 不勉耳又安肯稍自貶釋以從時人之情為進取之 對山焦 Ī

計邪有一於 此死無面目以見先人也城南之事乃自 僕生平服義重徳直行亮迹而巳其他虚恢盜名隱忠 敢忘也況當時邪然惟天地祖宗及我孝皇聖靈默鑒 也至於晝夜千萬謀畫哉以殿敵此實有之雖今日亦不 斯人得志之後與战夫同感孝廟恩德而然非僕一 閉口矣不能瞻送旌節徒切倚望伏惟為國自重萬萬 而已辱念隆寫有國士之與故敢率爾答謝若他人則 答柏齊先生書

多定匹庫全書

たいりうという 從事於斯要亦久矣語曰君子素其位而行不願乎其 易也僕犬馬之齒才三十有六雖更事未熟早作夜思 之父母更復何言伊周之才之志僕之污穢所不敢當 大諺蓋公愛惜不肖之深不覺言至於此感服髙義比 不得少行於時所恨者凡事輕忽簡畧不存形迹卒雅 不存形迹卒罹大謗此政僕之所以為僕者終身不敢 所痛者執事平生之心可以對天日有伊周之才之志 委曲以要時好死不願也承教云得報以來且痛且恨 對山朵

喻垣參不得而知也僕向惟二三子之誇能勿殺身無 多方匹犀生老 僕為小人也今又雅諸君之誇能勿殺身亦無幾也盖 幾也蓋是時瑾方以君子之言禁士類二三子者不謂 雖聖賢令之行僕不敢也尚理喻義當矣雖人人掩口 笑道僕行之也曾參之自信自信不殺人耳母之投杼 外又曰智者行其所無事而已於義有未當理有未喻 是時大臣方以小人之惡飭士類諸君者不謂僕為君 子也由二者言之僕一身何兼被俱有如此盖尚可以

去官殺身於我則君子小人者非彼所擇也其至於此 とてシシ ハチラ 妻矣兒子昭允歲首已出痘子無恙今能言且行承問 之士覽見余書當欣然大笑曰此誠柏齊賢弟良友不 雖存有形之迹何抹哉老兄斯文綱領當世指為山斗 具告冬寒伏惟保爱幸甚 以險夷易操者也然後終身佩而頌之永為老兄所不 别久矣忽辱手教感荷無己自被罪以來數不能通 與賈鳴和書 野山县


金分四月人 野醫種蔬蔣縣服則弘蒜酌酒負小坐小軒拊於倚 以供之無數故每得從客南山渭水之間又得為野風 豪傑哉此可為南塢子言發一笑耳家口雖衆田作 有 問士大夫之間者蓋押已自照不可輒以荒穢之資移 有不知所以然而然者而好事者又認為異論如彼雖 自比附耳教中意念隆篤顧僕安足以當含灼而已 ·往昔憂惶恐懼之日今得脫然不復拘禁此其心蓋 非而辯之之人又挈小遺大引粗失精亦豈足以識 細

少足可与人生 范生來承手翰具知李生事情然事已如此關內鄉大 夫豈能人人白哉執事惟善處耳良度負公固厚然已 大笑也邪小書二本附上備種數猶爾不悉為之奈何 此此皆日用之實敢以聞老兄老兄知之想當欣然 約之士力勘才匱固無得而辨也然君子之樂亦莫須 千萬保練不宣 **飲然終日人其得而奪也至於開筵列銀品竹彈絲貧** 答楊宗文書 對山集 Ť,

寒心哉王學諭資質誠美然行不知禮少不更事亦所 夫子也今不知置念已乎他日鄉人一 宜 更思之李氏於我有何厚而僕言如此凡以為執事 昧 認妄豈但今日教中後將噬臍之語其迹頗涉忌諱 不免既惜其才當教之以平易易親豈可深破慘刻如 死矣則平生私憤可以悉為掃滌至其諸孤則猶士大 不日王令來歸印於縣可能更者是邪李氏諸郎愚 相視效豈不可

金厂口匠人工

ואות לואות שלים שלים				面陳切仰珍重
對山床				:
1944				



隋唐皆都渭南雖稍遷改而相距不遠尚為易考者夫 周秦雨世自初與以至遷滅屢東屢西不常厥邑固不 欽定四庫全書 雍錄十卷宋龍圖學士程文簡公大昌之所者也謂漢 へこうえ こよう 對山集卷三 序 雅錄序 對山县 明 康海 撰

而卒悲夫昔仲黙盖當親以序列屬子矣顧今猶未速 與三輔黃圖六典長安志及邑圖問圖所以述雅之故 也往歲子友大復何子仲默當為雅大記顧其書垂成 閣產其地而親見之者不同于是以傷載記者之難言 隨列渭旁能沿渭以推其方而雅關地望如指諸掌矣 蹟小大靡遗矣然所圖或有差誤皆按冊擬議而與 此其書之大概而其雜相考會則悉本之潘岳關中記 可循世次地望泛而言之於是以涓為經而五代都地 圖

多定匹库全書

Ď,

とれる こと 關中故有長安志刻之省署歲久亡矣子家有舊藏本 屬子為序於是著所私見於首以貽考古之士然關中 侯之用心焉可也嘉靖辛卯秋八月丁亥序 託不知能否也知西安府南埠李侯文極政通民和之 固深念其用心之勤期有服日當卒成其書以副殿所 餘盡取關中故志刻之以傳秋七月省災過邻因以雍録 ·蹟大抵諸書幸存得有所考讀其書者又當有以識 長安志序 對山集

莫考之事畢議一旦若山海經之誕水經之誇括地與 荒唐難信而學士大夫又不能閥疑存訛徒欲以遠而 别録而後知者若其遺跡故趾所在田父野老之妄既 當因其引類得其緒理喜關秦之跡頗為明悉易見問 **闕疏關中記廟記三輔黃圖三輔舊事皆所采據信哉** 有路駁則據冊而擬殺盡周難也其書為宋龍圖學士 夫自成周以來關中為歷代名都其人文之威固不待 宋敏求氏所者程文簡謂宋氏家多古書如宮闕記宮

多穴四届全書

とこうえいたう 成取二三策而已矣孔子曰吾猶及史之闕文也後之 漢股先生者郭杜王子敬夫也我明文章之盛莫極於 是書成以子為序故復之如此盖其所刻皆關中威事 字之間定數千百年之疑誣矣知西安府南埠李侯刻 君子得是書而讀之會其領畧可也而欲遽以言語文 地之志靡曼皆是也孟子曰盡信書不如無書子於武 云爾嘉靖辛卯十月庚寅序 漢陂先生集序 對山集

通判贏內與讀禮之餘彙次其集凡若干卷指予請序 漢魏晉威唐彬彬然盈乎域中矣獻吉仲默子衡昌穀 李獻吉信陽何仲默郭杜王敬夫儀封王子衡吳與徐 於諸公之間乃於所謂孰是孰非者不溺於剖劘不怵 之集皆已刻行而敬夫獨未也去年秋敬夫家罷順天 於異同有灼見馬於是後之君子言文與詩者先秦兩 昌穀濟南邊廷實金輝玉映光照字內而予亦幸竊阶 弘治時所以反古昔而變流靡者惟時有六人馬北郡 ?

多方四月至世

於天實開元之右可謂當世之大雅斯文之巨學矣夫 觀漢股先生之集其故事似司馬子長而不屑屑於言 流將以示子三晉與天下之士執事幸有以教我也子 とこうえんれる 陽王君惟臣於臨潼曰美败先生之集獻遊門牆之日 語之末其議論似孟子與而能從容於抑揚之際至其 將藏之家塾今年春二月子東遊華山會監察御史咸 因懷陳致寫景道情則出入乎風雅騷選之間而振迅 久矣願有志於傳而未能令承乏山西當得其定本於 對山東

上及今凡若干年其所為詩者文以及奏議文移之大 撰也唐子巡按雲南江西提學陝西掌憲山西督漕淮 德不孤必有隣藝文之士抑辱以自高妬羣而取亢皆 由於諸公者如此於乎後之君子其將有感於吾言也 是也子觀孟堅之於子長竊隘心馬故歷述明與之文 多好四母全書 夫罪於予言也夫嘉靖十一年壬辰三月丁亥序 石類稿者總制軍務兵部尚書漁石唐子虞佐之所 漁石類稿序

書言文不如先秦不可以云古非誠哉知言者乎人謂 篇所載爾雅正大春容涵渾可與今昔名家頡頏上下 者皆於是乎類載之間出以示陝西提學会事鳳泉王 罔不存固不待上法漢魏中契盛唐而後善也唐子方 世儒摹做剽殺偶中脆得於萬一者自難擬倫也唐子 子惟賢因刻之以傳謂于知唐子者宜序諸其首子讀是 贾而有温柔简重之致然其歌吟篇什又言不下带道 唐子機軸本於左氏而無隱僻艱深之習議論肩於董 111 對山泉

地之沿革風俗異宜與政教文獻之大畧爾碩世多味 其稿付知西安南埠李侯刻之以傳謂志者記也記其 漢陂先生既為鄠縣志時南奉公在陝西撫堂聞之取 多方四母全書 也嘉靖十一年壬辰秋七月既皇序 文章緒餘又復者是豈詩所謂文武吉甫萬形為憲者 邪緝文之士當自有以識之士有體有用若唐子者可 將以功業左右昌時上修方叔名虎韓范富歐之蹟其 鄠縣志序 J,

歲月於首以示 郭之後賢君子知所自云嘉靖癸巳 為之乃南暴公有此住舉豈非是地之一幸乎遂序其 子 當序諸首子惟郭古豐鎬之地周之王京其故蹟遺 シス・フシー ニア 墟雖父老無知也況其文獻乎予每以語漢陂公冀亟 **慝咸於是乎具之又所以胎鑒戒慎從違其訓遠矣李** 馬弗知很繁冗雜漫不足視刊是志所以啓後之作者 **侯承命唯謹遂付之梓人刻將成渼陂公以書抵予謂** 知方也而民之疾者役之繁簡政之得失官師之淑 對山集

藏諸家笥以識平生遊眺之概但後人視馬子取而讀 陕西左方伯安厓黄公以在蜀時所詠登峨眉山詩 多方匹母生 快寄子曰是編所載頗具城眉之勝子其序之於首將 以名進士改庶古士讀書中秘詩名滿翰苑子當得觀 之其條理燦然即不至峨眉巳岩坐詠累日者矣公昔 月念又一日甲子序 作於同年南里憲副宅解翰兼美玉映金輝固方今 登城山詩序 V **尽**:

篇 丑序 文化日后人后 監察御史兩厓朱君子禮表其師陽明山人伯安政學 雖傳之於世可也公以為何如哉嘉靖癸已春二月已 致也詳而諷者賦之方也公詩咸有馬豈但示諸後 爰記歲月於簡以示讀公詩者考馬夫精而典者文之 人為筆也乃復見是編又重之以安厓之請是安可辭 炯然之語為炯然事縉紳大夫或為記為文為詩為 炯然亭序 對山县

立而曰吾將以彌綸天地之化也行何以自善而曰吾 先生長者立於前漠然若無曰此何草草章句者陋哉 數朱名之好學也夫既舉進士服官政矣乃孳尊於學 非吾侶也情荡而志驕中溢而性枯曽不知身何以 點樣之子蓋其不知學然售一試得一譽即睨視萬物 如是宜其行義文采卓然於時學之有益於人如是哉 歌以識其事 既成巨帙諸君子以子序其篇首子有以 多の四月ろうで 以裁成萬物之道也於乎予自弱冠以及今所見皆 自

とろうえんらう 為御史者咸以予為鄉人當以贈趙君也為說之曰夫 嘉靖癸巳秋八月甲戊序 者人也寧非朱君之罪人哉信乎陽明之教非朱君不! 能化民者部以監察御史馮翊趙君知兖州府趙君同 天子即位之二年兖州閥守吏部請推擇長者有徳教 彌綸裁成矣夫敢以是為諸君子復因併以為學者告 能炯然於心學而至於炯然於心則推此心庶其可以 送趙世忠序 對山集

守之令其監司省部者能奪也夫奪則志不可以負而 趙君馮翊之美材也馮翊之士能以節義治行顯名于 多好四母全書 必以為甚難莫如太守矣益御史之令皆裁自我者太 在 則繁劇駁雜欲事事皆親與切歷藝劇然後濟也吾昔 夫諸君之意豈不以御史所守者約而所及者廣太守 加之于百姓之上者趙君虽異也余何以能益趙君者 天下後世者至多也其浩然之氣蓄之于貧賤之素而 鄉縣以武事歷太守之府望見其事紛然亡有端則

こうシーニー 吏部獨以君守兖州馬曰長者之意當以格其上吏使 愿者莫能以自固由是君子之致莫能聞於天下也故 以君能二者之美馬則由是使兖州之民有禮讓足食 民濱之于海困之于饑饉疲之于科役者亡有能蘇也 而汎乎充也由是則君之為兖州可知已矣今兖州之 勿以奪志也德教則親民可不畔也雖以天下亡難馬 勿匍匐勉强者孰謂非君也又況鄒魯之地夫子之里 廢時矣理不可以致而更慮矣廢時者莫能以自宜更 對山集

曾曰此生不能哪也先生所論皆道德性命之微浩然 劣望之屏然不敢出息居數日心苦不自伸數月彌告 多近四雄全書 從于先生之門先生言動視聴皆有典則海時且幼且 兄者必牛君也是可以教吾子也翌日通于使者以幣 吾東原先生回他日使吾子為禮人不聞過于鄉黨父 昔先人在時以海方總角當教以正歷求師之賢者得 邪君吾知勉已矣 送東原先生序 Đ, 卷二

シスクラッシ ノントラ 歸凡交於海者相為五七言詩贈先生先生既而命海 **殺有以勉馬者也** 飲也故遂以所受之先生者道之且以餞先生之道而 今年春二月天子方南狩觀卜顯陵起相國石門公往 師其所教循靡有間也明年十一月二十一日完事將 先生使然馬壬戌三月海舉進士先生適以歷事在京 而出靡有窮也故今所以不至大惡狼狼以辱先人實 送虞坡楊子行邊北還序 對山集 +

子以為知豪傑之旨也處收子昔仕關內數以子遊歷 參南溪張子乃以裴晉公比石門公昌黎公比虞坡子 **奮愿無以稱荅休命石門公自以得虞坡子為慶而藩** 盩屋長安二大縣豈弟之政貞固之操民至今誦之 七閱月而九邊視畢節麾所至邊人無小大咸感激思 多分四月全書 体体之量明哲之資超邁之見殆若天授及轉官司馬 夫虞坡子往馬由宣大而西至甘肅冒暑隆歷数眷凡 視九邊布政令敷恩澤石門公以贊貳上請命司馬大

ころううここう 在人代雖顯微異地天下後世未有閱之而弗知也況 虞坡子予方幸虞坡于能再予見也其所欲言於虞坡 子將過扶風扶風士大夫感舜原侍御之愛以子言贈 馬虞坡子大人舜原侍御昔當令扶風惠政在民虞坡 同時同事於石門公哉擬人必于其倫子于南漢子題 而石門公果今獨知其賢引之以偕兹使英雄豪傑之 部子竊以為邦之遠罷當在若人因與諸士大夫言之 子者雖備歷晨夕未盡也況酬應數言故今邊計方壞 對山县

賓遊識久要馬然非卓然道義弗子也今年夏子與理 與關內士大夫而已也夫耳之所聞目之所見將孰為 好定匹库全書 野呂仲木氏南里楊用之氏同過彭麓山房眺南山遊 際也歸奏之後凡所望于石門公與虞坡子者吳但子 而將領威薄加以兵微食匱正君相所當拯採劑量之 予居滸西山房二十有七年矣客過訪予者率以載之 親九邊之事子爲得而不望石門公與虞坡子也 送白貞夫序

シススノファシ ハショ **整情宋東收蘇子瞻氏盖奇其勝數往遊馬曩子與仲** 惊 果陳降親子瞻塔陰記及游景叔題名已而嘆曰兹 普綠普緣為故仙遊宮山迴合而水圍繞氣磅礴而景 麓即躍馬過彭麓同二子循黑谷抵普緣周覽遐眺懼 方自郭杜訪漢股王敬夫氏而西也聞予與二子在彭 來關中望華瞷河覩周秦漢唐之墟挹豐鶴岐雍之盛 兹遊北至彭麓攜榼命與矣而洛原白貞夫氏自晉陽 木屢訂茲約正徳壬申至而阻雨粤今十有三年始協 對山集

多兵匹庫全書 沙澗上作 子窮慶善之絲歌生民之雅其與翩翩然矣 棄也然子逃形物外二十年禮法之士未有 非疾者貞 訪子明日值子病與子弟他充恥黄山覽武川訪部 既晡仲木東邁用之有事渭川精合貞夫同予兆行過 無負於普緣矣事不前約而一旦卒同非數也耶明日 則何取於予哉居數日貞夫北行畢使後二月復過 許西己而出平湖屠氏所贈文則貞夫此行益不予 日子病小疼方能以體酒酌貞夫則南充任少海氏 Ų

というして します 者恐百姓之未安萬化之未治也若此何耶貞夫論事 鄙習非國士之鴻操也國家以崇官好爵養天下之士 中縣班馬藝而已矣況摹做剽殺文實俱鮮此文士之 弗果夜仍同宴世爵堂馬貞夫少海世之二馬適爾相 值誠亦奇矣明日貞夫辭子行子觀貞夫悠悠然有逸 偶善一詩成一文則释及馳肆目無全物即上追屈宋 思馬於是握手語貞夫曰今士大夫尚浮名而趣末務 適至遂同坐夜分而去約以明日同過滸西值雨大作 對山东

為詩者果言志否耶夷觀而武省之則思過半矣貞夫 滔滔萬言條理罔謬厥存逃矣夫揚休烈道情性古之 者該亦難矣廣安姜侯以進士來知武功訪民疾告而 多员匹母全書 武功者西安最下也色小而道衝民窮而用繁為是色者 夫曰此予志也遂書以贈之甲午八月戊戌序 往我野人之言欲無負吾貞夫爾非方居而忽逃也貞 人莫不用之而予意則尚求其志而巳詩曰言志今之 姜武功使臺旌勸册序

ララ 昔也於是取撫按而下泊臺省諸公所薦論勸勵於 傳之方來是珠長者之前杜方來之做非所以精誦古 軌也吾與諸君親沐其教益而觀識其成緒不有紀述 不思賦是令長之德厚故治明政通吏不渝度民不易 優勸殆無虚日候為是邑又何其易也武功諸生私自 剧中第 加之治於是民熙然應之故不踰年而武功治行此為 謂曰夫民視令長為憂樂者也今百姓力不愆庸財 自無按而下臺省諸公皆交章雄舉其禮幣 付いま

太息以為斯民之不幸速至此極及侯之治武功量田 租庸歲相比也當塗君子皆知憂民之疾者而所以處 之德風小人之德草草上之風未有不個者也子自戊 之相倚其應捷而效長與桴鼓者異異哉夫子曰君子 請予請序諸其首子既三復其書乃既然增懷馬名實 者書之於冊而實之以行事領之以歌詩既成帙矣乃 其疾者者顧寥寥無聞何耶予聞其論議未嘗不重自 辰以先太安人之憂歸今家居力田二十年矣民告於

好定匹庫全書

基当 三日 1 與更哉故雖日夜奔走徒以重勞與皂民無益也夫民 者國家之重賴而民命之攸繁也當塗君子不能探求 猪室家相樂修禮義厚風俗期無貼怒於我候雖三代 之肥碗以定租較丁之强弱以署庸行不喻年百姓安 思之過也今百姓之憂樂豈直一事一與哉獲其事而 之民亦若此而已其應不已捷而效不已長耶夫租庸 因之見其與而更之尚慮其有他也況無所與因無所 其本徒以獲一事見一獎謂吾志已盡吾今已通此

約東示以明義準丁力之歉豐罷門分之抑勒不刑 亦可言也然民情蓄而挽法教胥甘賄而易令故富者 情土俗天下之廣吾弗能知由吾關中之事觀其大畧 **俾民永於嘉惠侯則謙讓而未追也乃諸生能樂道其** 益安而貧者益因其所由來非一 人民志名恆子嘗趣侯書所計度刻之堅石以貽來哲 以所先乎民者書以歸之若夫決訟若流摘伏者照則 休美而形容詠嘆如此彼謂見善如不及者非耶因遂 朝 一夕也侯至定以

致定匹庫全書

侯之餘事固不能以編載備陳馬令之為令長者亦安 十又二日戊午序 政侯尚可謙讓其計度哉嘉靖六年歲在丁亥夏四月 侯將雅官去已咸有憂色以為及已應排不得與被其 能人人者侯使民自憾其志如吾武功也排年之人聞 即久淹之餘知已如吾子良足嘉悅兹有錢贈之文以 西安太守廣川趙侯以書抵予曰東谷內遷戸部員外 送東谷子序 月山生

發定匹庫全書 有是馬此非其慮之弗長而際之不融也其忌者害之 之古人蓋有回路之義馬然東谷子操嚴而中坦志遠 與交合凡十年矣所以劇切於予而益其所不能者方 勞於執事是惟吾子之不讓也夫東谷子自入關予即 之民莫不懷也為履慎官熟衣疏食先人之所遗平生 而外直贤者慕其義不肖者忌其才故入官十五年僅 之所志何不臧也今天子以仁孝治天下安知東谷子 也東谷子檢身治民裁費節用尚本崇實盩屋與涇州

とうこうう こそう 每夜分莫能去者固非如世俗彈基博塞流連尊俎也 惠於民者可以沛然無監矣東谷子往哉君子之志以 雖有惡已者不能加也據是以往凡所以報稱於時流 終者矣東谷子之名義士大夫庶民小子人人能言之 無所主而能至者況以或存或亡之心參之故治日常 凡以採天地之化昭豪俊之業馬耳天下之事未有中 自强不息有息则餒非君子之所貴也昔者與東谷語 不由是以大行其志於時邪夫士固有拙於始而申於 對山县

往哉 多玩匹母全書 當紛糾劇冗之地其所以應之而有餘處之而皆當者 誼是則廣川與諸公所以贈於東谷者咸有光矣東谷 猶待於其所已行而損益其過與不及借以自勵雖之 固其中之有主如是也孔子曰三人行必有我師馬彼 天下可也東谷子其往哉尚默繹於子言而終廣川之 少亂日常多者士大夫之過也廣川以英偉卓榮之話 姜武功平贼序

一昔子以正徳戊辰歸見三數處風俗則既嘆與懷馬曰 えて日日という 一日 有大曼事關生靈僕不敢默惟公求倡始者數人薄治 不言福將馬致於是以書子二公曰其地事十年後必 子衡二子先後至馬曰是則吾所謂賢且才者也失兹 禍且成弗逐也安得賢且才者與告語之持一與阜之 何至是者居數年乃日日異不同也曰嗟乎其厚憂隱 嗟乎何至是者是必將有厚憂隱禍迤邐未艾也否則 力可攘也乃得巡撫都御史監公文秀巡按御史王公 對山泉

然因貼以訴於他司他司喜其重貼二公之志亦寢後 之仰無畔志消三年陰相結聚者十數萬人過於嘉靖 於其門附會伸意行談於仲云伸當大貴於是傳播 無賴男子習戰修武來者雲集又令妖人以照水法感 近 1所謂三數處者舉熙然從伸而仲遂自居不疑日 ·其羣從渙然散也二公曰唯唯乃下其事於其長具 年乾州有狂人樊仲者多货而樂誕方士誕者皆集 不知旨意喧喧溷溷乃籍是將要以為功也其衆紛 召

金万四月子言

かんか フラーハストラ 奔礦場必假道立節橋頭凡濱水諸村落宜振舟密候 膏粱子徒以妖師扇感至是其羣黨固烏合也即果南 武功姜侯練兵有素人得無恐報至侯下令曰伸輩皆 其至共力與擊賊可悉擒明日昧爽賊果至諸村落人 侯即以馬賞獲者曰能得賊賞更不直此於是人人奮 逃去走南山結銀兵復謀北冠郡縣震動若不克生獨 乙酉秋集黨冦乾州賴州之士大夫暨守力禦之日晡 挺非賊賊悉從沙渡逃去獲馬及罷物村落以馬來 對山泉

至始決意超礦場又二日賊首悉為于敖輩所擒無 吾縣有禍猶緩乾州不破賊合眾南下必先甘心於吾 賊惑者舉不敢南邁應賊賊居鐵爐庵五六日候應不 有偽官乃立殊於市而厚賞獲者凡涇咸與體愚民為 志思獲城兵日中果有執賊至者得伸所給號帖已署 追者故城黨悉平馬比城東獻越越猶曰非武功所阮 不及是也於是守巡撫按諸君子咸推功自侯上功於 而侯之規畫誠己青矣武功諸者老相率曰乾州破

金好四月五十

シンス・ノフ・シャ ノ・ネ・ラ 乎故予重之以此今示諸當事者 述其事於首以報候保全之功滸西子曰仲之敗人知 夫志大者罷宏才厚者德溥此古今之通道也惟宏且 兵哉及匍匐涉渭志灰然盡矣者老之請殆亦有所見 為敖輩設巧善獲然發朝即砌獨不以姜武功先事治 縣吾縣非侯勢必大壞又安有今日者于是繪圖請序 天也故聽祭而用博小利近勘勿提馬惟溥且厚也故 贈巡撫陝西右副都御史藍公序 對山集 Ē.

擒也當時用事者一失其會遂至不可以為浸淫五六 持重而不跨盛位恢動母動馬二者事異而理同道分 者少也歲自乙巳以來蜀兵初變聚才不過數百至易 事或乖修業而業或廢者能有所弗宏而德之備諸身 經綸之想志非不皆有才非不皆長也然以之治事而 者明與百五十年學士大夫口不報詩書之誦心不廢 嘉治有事則可以戡定為安解所謂天下不可一日無 金好四届全 而完一皆俗儒所難喻也故天下無事則可以微敵而

盖數以勘定之熟責功代名譽之臣兵銳者或關於持 者蒙死江西諸賊乗其餘習益又騙悍難制當是時上 者固有所謂志大而罷宏才厚而德溥者陰以維持於 准諸地所過殘減無釜甑之遺男女幼肚者被掠老弱 NATION LIAM 固鈍者或廢其幾宜明者或過於輕忽暗者或昧於策 痿將歷也繼而劉齊諸盜起中山山東山西與河南徐 戴冠益城攻益難合三省全力不得半勤此其故非兵! 四者非所以用武博勤也然是時亦能強賊而安壌 對山集 Ĭ

多定匹庫全書 世不刊者也兹聞上以藍公為南京刑部侍郎公行在 無以成彭公之擒非彭公無以見監公之慮此可為百 持之有數得長者至誠惻怛之守緩懷其民心堅厚鞏 關南之民此其道非騰遊說懾靡冠志也禦之有縣而 滋蔓難制之冠不待彭公來所以不敢再窥漢沔以掠 為最盛也自彭公之西也其奮擊之士才數千耳數年 其間銷其變而已其患也夫承制備蜀三省之兵關中 固冠自不能窺也故子當私論之曰蜀漢之盗非監公

察當事乃青顯無異足登塗則妙君子之節豈可約以 篇以贈公使夫功伐名譽之臣凡有當上之責者皆知 · ・ うし ここ 法 消雅蘇鑄 煅鍊精光愈新者無金之質也故士無炫 其自進而不內民於溝壑而莫之知也 保其屋廬田畛者秋毫皆公賜也因者其所誦說者於 旦夕然平蜀之勲終始由公甚多吾關中之民所以能 折堅斷勁朝犀剛玉無向而弗利者良劍之用也沙 送朱升之序 村山庆

間也至若其思教身於鄭武伍員盛尸於與革直其誠 斟酌當巨細靡遺隱顯不該故俗議不能繁浮解不能 於其隱二者所以斟酌豪俊窥識英妙之方也然五段 也故觀士者不於其細而於其大亮才者不於其明而 其體固亞於猿孫麋鹿也高下之分定而倚托之勢殊 上非其才有凌於楩榊松柏也犀象伏於澶洄之淵非 細人之屑見齊以鄉黨之鄙情哉故萬肅生於髙山之 名於春穆子膩疆迹於咸宣步城二君者窥識明而

郵定匹庫全書

A STATE TOWN |者蒙察而受者見拔哪者被訟而異者遭遣彼徒以太 於奉口也今倚泥成俗尚且持論非一日之積也故私 阿假之曹侯宏福委之碩讓皆非其事實也士大夫者 使聖天子公鄉之明少虧於秦穆威宣則凌點子安脫 浮混君哉細人倡之衆人和之故臨者見污純者見疵 身死用她也囊凌谿子提學關內勤勤點懸若將一變 而至於道矣加之以年則學者誦習之力豈或少讓於 對山东 Ī

未達於上而議不竭其智哉主疑而讓入故志阨行塞

美上安所聞即有邪罔上安所察故志士甘心而就辱 復敢結腳於齊載抗屑於周行耶然凌點子則反之矣 備者孟堅所以誦李育也尚以熟觀於凌點子則育豈 豪傑長數以遠世者非有以馳想於下許致薄於伊周 訓是仲尼邪偽於衛而夷齊瞽昧於周之日也即有才 聞凌谿子改治滇南故予得私叙而贈之馬此學者所 也勢既無所容而數固不可易也夫廣清修潔行能純 公論之所繁也今異說悉出於縉紳而公論不稽於古

多方四月五十

馬若親感馬若雖戀馬若不可一日去而其究也濕風 夫師生之際教化之首其居至不易也近名者先要結 於先生知子之與先生友也於是以子為言贈先生馬 <u> 共都而當途者所能慎哉甲戌夏五月序</u> えた日かられた 大復先生居關中四年矣今年夏六月以疾求去上下 而後軌則珠理者崇虚飾而乏精典兹二者其始也觀 固留不可其官屬及諸生之在正學書院者不欲遽别 送大復先生還信陽序 對山頂

於所習而不變則宜其廢壞亡排也可不作而新之振 教化與行之地持此以往將安極哉大復先生之來吾 關中也曰教化廢壞者上下安於所習而不變也夫安 自然之應不可强也上以偽初其下則下以詐姦其上 馬與怨馬鶴鳴于九皋聲聞于天物誠而形本實而茂 親而其中也幡然而悟沛然而從曰學者之事本如是 以實行之以嚴而推之以怨其初也疑而弗信畏而弗 而起之乎於是具以科約示以程式先之以身而董之

金分四月分

諸生欲贈大復先生歸而予泛及其事如此各情而形 之所慎也安有髙宗為之君而說終傅嚴者也蓋有疾 今天子龍飛之始首重教化俊义畢升而先生乃以疾 言者益先生之於諸生以道而合而秉執教化之責者 行豈孔孟之訓有然乎曰出處者聖賢之大問而先生 其理當若是也或曰賤功名而點聲華固先生之已事 其實而脫其偽先其事而後其功有若董生之論馬夫 行いま

乃何者怔怔惕惕者前日耶故泛者畢定假者畢諸崇

盍為我序之使吾子尚長大能讀書省事吾的殺其為 夫大夫以予為鄉人交又甚厚也盡持其詩於子曰子 為大夫賀與大夫同朝者又皆和楊大夫之詩以賀大 言贈先生馬 先生哉諸生口乃今聞夫子之所命矣於是請次第子 西麓大夫既有男子其同官楊大夫名父首為近體詩 送西麓大夫序

致定匹庫全書

而歸德合而出君子亦行其所無事而已矣是何以疑

故孟子曰父子不青善父子青善不祥莫大馬其曰夫 激厲以自盡力於所為曰吾使不愧是言也吾子感吾 之言必重自激厲以盡力於所為則子之子我者不亦 初生旨吾喜馬是吾之生異乎人之子之生也必重自 皆所謂大人世所謂若神明之不可見而親也何吾之 也吾從而語曰此詩為此人此人為此詩吾子必曰此 善人將出是詩以示而散動馬彼必將通謂其詩其人 大耶夫教之不施於父子之際也蓋謂狎而不可加爾 月りま Ē

一藝山耶大夫之子吾今知免矣夫詩通記若干首首名 於稠人之中無所相聞馬則志消氣耗不與屠販等者 也而又況如此為之啓之則其奮然往者寧有一善一 幾希有一人者能自振奮以出乎物則已必警然自訟 思慮之外者矣子其由是而成乎雖有抱奇之士使雜 而相為夷乎大夫之所以教乎其子者固有出乎古人 于教我以正夫子未必正也則夷也可以使父子之際 而悟矣況得於累世積善之餘者哉夫固必能以自變

銀定匹庫全書

ハスコラ ニュー 出事立上不抗令下不盤民傳記所稱吳加馬予則以 麟遊者相語諸人曰此所謂李麟遊也乃至是乎行必 制去既而起復吏部則以為武功丞武功士庶有舊遊 昔聞麟遊丞李君之政聲若不克見也乃後數年以憂 話言翩翩然長者也有學以蓄其用有政以達其學政 有善政及於吾民矣予聞之顧甚喜及君枉訪子與之 父大夫其後皆和者與各自為者云 送武功丞李君還髙平序 對山集 Ē,

才名不役君建去君不侍報飄然以歸武功士大夫重 馬足與簿書筐篋之細哉狀既上撫按藩県皆重君之 吾老不能副丞丞非所以優吾之老者盖歸乎來以與 未能或之先也今年秋偶以微疾求去曰人生適意耳 子弟使為善人於馬終吾之身不猶愈於日匍匐車 為益友時與之遊滸西山房道古昔玩詞藝知名之士 君之行具以予言贈君然予且老矣安能以殘羸之身 二三子遊於里開誦說聖君賢相太平之業服則殺其

欽定匹庫全書

とろう こんう 者哉君冢嗣良臣嘗及予門勤學善養將來所就當為 者殆天淵不侔矣豈非養之有素決之有勇高出物表 十又二體强力勝方將有為以速後勤乃於富貴之際 怪世之人徇利輕已不知歸為何事徒以妻子之奉為 使後之人知君之才之美果有以感孚於衆如是予竊 視若椒屣畧不以為意念與所謂雕眉皓首浮沈利途 不足而日尊尊乃或至於并其身而俱棄者君年才六 應酬賓友之請實有以重乎君之為人是以呵凍為此 科山住

行事可也良臣勉哉予日望汝之自礪以為予與而君 多定匹库全書 相友相厚之弱馬耳 勉哉詩曰教誨爾子式穀似之記曰善繼其志善述其 名人不但取科目拾青紫而已君歸以方盛之年優游 驅遣放逐而戀戀不拾者回視殆不可同日語也良臣 桑梓終殿天年鄉人稱之後世誦之與今日居陟大位 他日防顯順履紫盛其亦澹馬若無以克肖而君之 送邻銓序 卷】 人是可用人子可 敬稽馬繩尺法度錯出而敬亡有背馬其豪放不羈者 翰林吉士黄子實以子述序以贈部君有氣岸能尚志 矣不能有以立遇之道夫猶不遇而已夫繩尺法度雖 故恒弗建也邻君勉哉夫士固當欲有以遇也遇其人 由由然合於古人之道也夫以文字試禮部者凡試幾 崖州部县以禮部乙榜除為來賓教諭將行於官其友 四千人四千人者皆取於其鄉亦數千人摘而舉也而 但以三百五十人其舉若以遺矣意而殺同馬字字而 對山集

金牙四周五章 於其身乃猶有弗遇也兹可以謂命而已然而如君之 古人所重者吾無以願邻君知邻君所負者厚可以有 所負者固未有終其身淹也 所以皇於君者益以信矣吾所以望於君者益以信而 賓謂宜可以小武君也來賓之教果弘而弗庸馬則吾 為使國家風化於世者益隆也雖然吏部所以予君來 自裁損就之則天下莫敢京也部君勉哉儒學之官雖 非所以盡士者顧求之者率是用馬尚豪放不羈者稍

とこり ラーショ 終廢弛不作而已故親也教之子也學之然後子有善 由列又以識茂之之能教也列性雅重美儀字學為文 兄也長寧陳茂之有子列師族子永嘉余因永嘉識列 學之益親有善教之譽中養中才養才而人樂有賢父 则 古人養子必教之以詩書為有義方父教而子不之學 章殿殿乎若欲進取如探淵與師友於相證者滔滔乎 固不足以謂之能子子欲學而親斯馬雖有良志者 送陳茂之序 對山集 主

喜而於列有望也今國家禮重賢俊之士列之有造果 有也進而不已烏知不合於中庸之道耶吾於茂之有 金万四届石書 得不以是為茂之告之使夫為父子者知有所勸也 被惡知弗為之録耶然列固為人之子顯親揚名必 對山集卷三 是選率來請序以贈子受列而欲內諸道者安 大者鄉人以列新為縣學諸生且重其為按